

欽定盛京通志卷之八十六

忠節 五

國朝

鑲黃旗漢軍

正黃旗漢軍

正白旗漢軍

正紅旗漢軍

鑲白旗漢軍

鑲紅旗漢軍

欽定盛京通志

卷八十六

目錄

一

正藍旗漢軍

鑲藍旗漢軍

奉天籍屬

欽定盛京通志卷之八十六

忠節 五

國朝

鑲黃旗漢軍

高守官。奉天人。隸鑲黃旗漢軍。原係鴨綠江鎮江守堡官。天聰八年。鎮江人叛。執鎮守遊擊佟養正。送明總兵毛文龍守官與焉。遂遇害。加贈佐領世職。以其子高題名襲。順治七年。九年。三遇。

欽定盛京通志

卷八十六

忠節五

一

恩詔。累加二等輕車都尉。同旗有崔應泰者。原籍廣寧。初任佐領。崇德七年。隨大軍征明錦州。圍塔山城。督紅衣礮攻之。礮裂轟擊而沒。卹贈如例。管一舉。奉天人。隸鑲黃旗漢軍。順治元年。隨

世祖入關。授山西德勝路叅將。五年。大同總兵姜瓖叛。脅從不屈。遇害。其妻及長子致忠。子婦孫女等。十三口皆就戮。幼子承業。年未週。乳母王氏。撫抱以行。逃免。八年。巡撫祝世昌。上其事。贈副將。張必科。隸鑲黃旗漢軍。世居蓋平。順治四年。知

直隸慶雲縣。下車兩閱月。宿弊盡革。民荷更生。時定鼎之初。土賊告警。每遇寇至。卽鳴鼓聚衆。率步騎親逐之。會上元夜。賊聚飲郊外。必科謀得其地。率丁壯捕之。縛三渠。斬以徇。其黨悉衆圍城。必科善射。殺賊無算。守三晝夜。賊黨內應者。啟門納賊。賊大至。必科巷戰。殺數人。忽弦斷手傷。擲弓于地曰。命矣。當等一死所也。挺戈下城。賊環圍之。亦不敢逼。至一晝齋。舉火自焚。蒞任六十五日耳。事聞。

欽定盛京通志

卷八十六

忠節五

二

賜祭葬。贈山東按察使僉事。慶雲士民崇祀名宦祠。子一魁。以難廕知河間府。廉得當日獻城賊。詳請達于

朝。置重典。一魁。仕至河東鹽運使。子綏遠。別見本志人物傳。

范承謨。瀋陽人。隸鑲黃旗漢軍。文程子也。康熙七年。巡撫浙江。有惠政。十一年。擢福建總督。十三年。逆藩耿精忠反。巡撫劉秉政爲賊腹心。欲脅承謨。不屈。遂囚之。罵不絕口。卒爲所害。

詔贈兵部尙書加太子少保。謚忠貞。

聖祖念承謨忠節。

親灑宸翰書碑勒石。又以

御書墨本鈐用。

御璽賜其家。閩人又爲建祠于道山之麓。雍正七年入祀昭忠祠。承謨忠孝性生。友于敦篤。居官剛正廉明。寬厚愛人。體恤民隱。博學強記。善屬詩文。被幽時。有蒙谷自序。百苦吟。武夷歌。畫壁吟。人多傳之。

欽定盛京通志

卷八十六

忠節五

三

高天爵。鐵嶺人。隸鑲白旗漢軍。以子其位任大學士。改隸鑲黃旗。天爵慷慨重大義。好讀書。善騎射。能挽強弓。順治初。任知縣。以洪承疇薦。知湖南長沙府。尋除江西建昌府。康熙十三年。耿精忠反。天爵以建不守。則南昌必危。出募丁壯。固繕城垣。躬擐甲胄。與賊戰于東門。萬年橋。被執不屈死。

詔贈太僕寺卿。謚忠烈。入祀九忠祠。雍正四年。特加贈禮部尙書。

正黃旗漢軍

金玉和奉天人。隸正黃旗漢軍。自幼從征諸路有功。授世職。累加至二等副將。天聰五年。擢禮部承政。緣事革職。六年。復任叅領。隨

太宗閱兵北演武場。賚鞍馬。七年。陞任副都統。奉

命往諭孔有德耿仲明等。崇德六年。大軍圍錦州。玉和

同副都統和濟格理。敗敵步兵。時明經畧洪承疇。所部兵遁入三臺。玉和隨眾攻克殲之。復攻克松山南山臺。松山敵兵乘夜來犯。以礮擊却

欽定盛京通志

卷八十六

忠節五

四

之多。斬馘。復攻塔山。破其城。敘功。授佐領世職。七年。攻中後所。前屯衛破之。加世職三等叅領。順治元年。署懷慶總兵。流賊圍濟源。玉和往援。歿于陣。

詔卹。贈世職二等副都統。其孫世礪。康熙十八年。征海

賊劉國軒。中矢貫胸。歿。贈雲騎尉。

尙安福。奉天人。隸正黃旗漢軍。崇德三年。隨貝

勒杜度。征明山東。攻鄒縣。以雲梯登城。歿于陣。

增佐領世職。

郭名望。奉天人。隸正黃旗漢軍。崇德八年。從征明中後所。克其城。順治元年。從豫親王多鐸南征。破揚州。六月。隨貝勒博洛征浙江。克嘉興。及崑山。常熟。江陰三縣。以功。授加一雲騎尉世職。進攻金華。同叅領朱名登攻克之。七年。九年。三遇

恩詔。加至三等輕車都尉。尋以從征山西。攻保德州。中鎗沒。加贈二等輕車都尉世職。子汝龍。於順治十六年。從征福建。至羅源。擊賊。歿于陣。加贈世

職一等輕車都尉。

祖應元。奉天人。隸正黃旗漢軍。初任佐領。崇德八年。隨鄭親王濟爾哈朗征明。攻中後所。克之。進取前屯衛。復以礮克其甕城。論功。授佐領。順治元年。五月。隨葉臣等平定山西。克太原。十一月。隨豫親王多鐸平定河南。進攻揚州。中礮。沒于陣。贈佐領世職。

李向舜。鐵嶺人。隸正黃旗漢軍。父獻箴。崇德時。屢立戰功。授世職二等叅領。向舜亦官叅領。順

治元年。從征江南。攻揚州。中礮沒。其幼弟向日。官遊擊。康熙十四年。從征湖廣。省城被圍。竭力捍守。城陷。罵賊不屈死。

特賜祭葬銀。贈叅將。

王自明。隸正黃旗漢軍。世居奉天。初任佐領。順治二年。隨征陝西。遇流賊孫守法。率本旗騎兵。擊敗其衆。賊帥賀珍擁衆列陣于山。自明隨定西大將軍和洛會。擊敗之。五年。山西逆鎮姜瓖叛。隨異親王滿達海。攻汾州。中礮沒于陣。贈騎

欽定盛京通志

卷八十六

忠節五

六

都尉。

張鴻猷。隸正黃旗漢軍。世居奉天。初任守備。隨豫親王多鐸南征。平定河南。江南。攻揚州。嘉興二府。及江陰縣。武岡寨四城。俱克之。順治五年。逆鎮姜瓖叛于山西。隨異親王滿達海討之。攻渾源州。克其城。進取左衛。中鎗沒于陣。贈騎都尉。

徐淳。隸正黃旗漢軍。世居遼東。由貢生累陞山西岢嵐道。順治五年。逆鎮姜瓖叛。淳捐軀殉節。

康熙元年。

特贈光祿寺少卿。又同旗有成大業。世居遼東。累任江
西湖東道。順治五年。逆鎮金聲桓叛。約大業共
謀。不從。被執。罵賊不絕聲。遂被害。八年。贈如例。
李向禹。鐵嶺人。向舜弟也。順治五年。任陵川令。
姜瓖之亂。禹妻王氏。謂禹曰。君職守土。宜竭力
報國。勿以家爲念。禹出禦賊。王氏與二女先自
縊。城破。禹被執。誘之降。且休以兵。不屈死之。其
長兄向堯。時任助馬路叅將。合門七十餘人。俱

欽定盛京通志

卷八十六

忠節五

七

盡節。

詔贈向禹光祿寺少卿。向堯都督僉事。祀本縣忠義祠。
劉應舉。奉天人。隸正黃旗漢軍。初任佐領。隨大
軍征明。攻右衛朔州。克其城。順治六年。隨征逆
鎮姜瓖。攻汾州北關廂。中礮。歿于陣。贈騎都尉。
加一雲騎尉。

朱國治。撫順人。隸正黃旗漢軍。崇德時。卽入旗
籍。順治四年。知固安令。報最。由州牧。司道。歷任
巡撫。康熙十二年。逆藩吳三桂反。被執。使降。國

治烏賊不屈。遂遇害。二十年。

特恩加贈戶部右侍郎祭葬如典禮。雍正七年奉旨入祀昭忠祠。

正白旗漢軍

董廷元。隸正白旗漢軍。天命六年。

太祖始定瀋陽。愛其勇力。授寬甸備禦。天聰五年。從征大凌河。六年。從征察哈爾。七年。從征旅順口。江華島。並在行間有功。崇德元年。從征高麗。次年。攻皮島。所乘船被敵礮擊破。廷元同家口俱沒。

欽定盛京通志

卷八十六

忠節五

八

于江。

太宗憐其効力有年。

特賜祭銀六百兩。弟廷儒。任大同守備。善騎射。有謀畧。總兵姜瓖謀逆。誘廷儒至署。微露其意曰。公若助我。則大事可成。共享受富貴。廷儒怒罵。並拔所佩刀起。賊衆羣持之。遂被擒。廷儒罵不絕口。賊剖其心。支解之。併其子開國。及眷口俱被害。

特贈昭武將軍。

賜祭葬。又廷儒弟廷伯。崇德五年。從征明。圍錦州。同參領

孫有光擊明松山杏山兵皆敗之。七年圍錦州。擊明呂翁山嘴兵敗之。松山敵兵乘夜來犯。擊却其衆。進攻塔山杏山。敘功列一等。陞授佐領。八年。從攻前屯衛。中後所並克之。順治元年。授加一雲騎尉。二年。

恩詔。加佐領世職。是年。從豫親王多鐸南征。平定河南。五月。克揚州。六月。擊平湖嘉善敵兵。敗之。又敗嘉興敵兵。克其城。至錢塘江。有敵兵乘夜來犯我營。廷伯隨都統吳守進擊敗之。六年。從鄭親

欽定盛京通志

卷八十六

睿五

九

王濟爾哈朗。征湖廣。同副都統金維城至馬河。陣亡。贈騎都尉。加一雲騎尉。七年。九年。兩遇

恩詔。加至二等輕車都尉。世襲罔替。廷元兄弟三人。並以死事著。人稱爲一門忠烈云。

滕應元。奉天人。隸正白旗漢軍。官佐領。天聰四年。大軍伐明。取永平。復攻灤州。應元轉戰而前。陷陣沒。

詔加優卹。予騎都尉世職。

黃廷栢。隸正白旗漢軍。世居奉天。授靈璧令。涖

任五月。以才能調大興。順治三年。擢知山西汾州府。五年。大同總兵姜瓖叛。明年四月。僞副將姜建勳擁賊萬騎。猝圍汾州。攻陷城東門。廷栢率壯士與賊鏖戰。自晝至夜。力屈被執。罵不絕口。遂遇害。委屍于路。子奠中。年十三。守父屍號泣。汾人感其德。具棺斂之。既而奠中亦被賊執。碎其首。幸不死。九月。汾州事平。喪還。

世祖特遣官諭祭。追贈太僕寺卿。康熙五十七年。

聖祖特命立祠。死所。歲時奉祀。雍正二年。

欽定盛京通志

卷八十六

忠節五

十一

世宗御書成仁取義匾額。恭懸祠中。

遲變龍。隸正白旗漢軍。世居奉天。授國史館副理事官。再遷至山西糧道。順治三年。任江西布政使。五年。金聲桓王得仁。據城叛。將兵圍署。使人勸降。變龍抗節不屈。賊率兵入署。執全家強之。變龍罵詈不絕口。賊怒。遂割舌。抉目。并碎其屍。其祖孫父子兄弟。妻妾閭門十八口。俱繫石沉之江心。江右人莫不哀之。康熙三十四年。崇祀忠烈名宦。

睽天成。隸正白旗漢軍。承襲佐領。康熙十五年。征浙閩。力戰海澄豬兒山。死之。

恩予卹廕。入祀忠烈祠。

〔正紅旗漢軍〕

孔有德。遼東人。隸正紅旗漢軍。天聰六年。來歸。順治六年。以定南王率兵平粵西。遂留鎮桂林。九年。靖寶鎮將失守。分遣赴援。偽安西王李定國。從間道突犯桂林。麾下李養性。孫龍。程希孔。俱戰歿。有德知不守。乃闔室舉火。妃李氏以下。

欽定盛京通志

卷八十六

忠節五

十一

並投繯。拔劍自刎死。

賜諡武壯。祭葬贈卹。特加優厚。祀昭忠祠。

夏時芳。隸正紅旗漢軍。世居奉天。累任陝西榆林定邊道。順治六年。二月。叛鎮姜瓖率賊兵困城。十九日。城陷。被執不屈。罵賊遇害。康熙元年。八月。追贈太僕寺卿。

恩賜全葬。廕一子五品官。

王國泰。隸正紅旗漢軍。世居開原。初任三等護衛。康熙十三年。八月。隨經畧莫洛。由陝西進征。

逆藩吳三桂十二月。至寧羗州。提督王輔臣叛。率兵來攻我營。國泰同經畧莫洛拒賊。中鎗陣亡。二十年。追贈副將。廕其子。同旗寇萬平。康熙十四年。以章京隨征陝西。遇王輔臣叛衆于娘。娘廟。力戰陣歿。贈雲騎尉世職。

門可貴。隸正紅旗漢軍。世居錦州。父世科。崇德四年。來歸。授佐領。後卒。可貴襲職。康熙十三年。隨征逆藩耿精忠。與賊戰于浙之花堡陣亡。贈三等輕車都尉。

王國柱。隸正紅旗漢軍。世居開原。初任五品官。康熙十四年。六月。進征江西。至石匣。擊賊陣亡。贈雲騎尉世職。

張廷輔。隸正紅旗漢軍。世居益平。康熙十三年。逆藩耿精忠。以福建叛。勾連海寇。命廷輔往勦。十六年。三月。抵福建。聞海賊寇泉州。廷輔往援。擒賊帥陳爵于西門。追至海墘。斬首數千級。賊又攻同安。廷輔以百人敗其衆于三寶墟。尋有賊衆萬餘。圍長泰。陣于天津寨。廷輔三戰三捷。

併降其衆。賊攻五都。擒其驍將陳璽。姚葵。賊遂氣奪。十七年。六月。擊僞將軍劉國軒于海澄。中礮沒。二十一年。贈雲騎尉世職。

阿爾泰。隸正紅旗漢軍。郎賽子也。累官吏部郎中。康熙三年。擢湖廣辰常總兵。七年。調鎮浙江黃巖。十三年。逆藩耿精忠攻浙江。阿爾泰擊敗之。賊復益兵攻城。阿爾泰出城接戰。我守城叅將武浩暗降賊。爲內應。遂被擒。僞帥曾養性百計誘降。不從。罵不絕口。同總督范承謨俱死難。

欽定盛京通志

卷八十六

忠節五

三

賜祭葬。諡忠武。雍正七年。入祀昭忠祠。子紹烈。與耿精

忠賊衆戰于石塘嶺。陣亡。贈雲騎尉。

王之鼎。隸正紅旗漢軍。世居奉天。康熙十八年。以定海將軍。充四川提督。恢復全蜀。十九年。九月。逆孽吳世璠。猶踞貴陽。復犯永寧。之鼎提兵進援。賊黨尤廷玉。胡國柱等。九僞將軍之衆。圍之數匝。三閱月。糧盡援絕。猶間率兵挑戰。士氣益奮。至九月九日。賊以火藥轟城。城陷被執。拔劍自刎。未絕。昇至貴陽。賊黨夏國相等。百方勸

脅大罵不屈。遂與總兵何成德等十二人同時遇害。

詔贈少保。諡忠毅。廕其子三等伯世襲。立祠于貴陽南關之外。

御書忠節垂芳匾額以旌之。雍正七年。入祀昭忠祠。

陳先鳳。隸正紅旗漢軍。世居遼陽。任陝西遊擊。康熙十六年。從四川提督王之鼎。征逆孽吳世璠。十九年。九月。擊賊于貴陽。陣亡。二十年。

賜祭葬銀兩。廕其子四品官。

欽定盛京通志

卷八十六

忠節五

古

鑲白旗漢軍

王興國。隸鑲白旗漢軍。世居遼陽。任四川永寧道。順治七年。隨征流寇。九年。十月。猝遇賊衆于華陽。陣亡。贈世職三等輕車都尉。

何世榮。隸鑲白旗漢軍。世居撫順。任佐領。康熙十三年。隨征逆藩耿精忠。十七年。擊海寇偽將軍劉國軒于海澄。世榮奮勇力戰。歿于陣。

恩賜祭葬。立碑如典禮。贈雲騎尉。世職同旗有鄭國明。亦世居奉天。任驍騎校。康熙十三年。隨征湖廣。

十四年。五月。與賊戰于永興。陣亡。贈雲騎尉世職。

鑲紅旗漢軍

楊致祥。奉天人。隸鑲紅旗漢軍。崇德時。官啟心郎。順治五年。知山西潞安府。六年。大同叛。鎮姜壤圍潞安。孤城援絕。致祥奮身率家丁迎戰。死。城遂陷。賊圍府署。搜親屬三十七人。盡殺之。郡人建祠以祀。康熙元年。

聖祖追念死節之臣。贈太僕寺卿。同旗有孫定遼。順治

欽定盛京通志

卷八十六

忠節五

五

元年。從入關。屢立戰功。三年。以征鄭陽山寇戰沒。贈三等輕車都尉。

劉浩。隸鑲紅旗漢軍。世居錦州。知廣西潯州府。孫廷齡反。浩抗節不屈。與子中樞。中梁。中柱。中楫。同日遇害。

特賜祭一壇。追贈大僕寺卿。

吳萬福。奉天人。隸鑲紅旗漢軍。崇德時。授佐領。康熙間。任福寧總兵。捍禦有方。寇盜屏息。十三年。逆藩耿精忠叛。萬福發兵拒戰。死之。闔家見

害。贈太子太保。

予恩廕。祀九忠祠。

馬雄鎮。隸鑲紅旗漢軍。世居奉天。由廕生。任廣西巡撫。康熙十二年。逆藩吳三桂反。孫延齡叛。應之。雄鎮密檄提督馬雄會勦。雄遷延不至。因蠟疏具狀。並遣子世濟。世永。間道入京乞師。延齡訶知。夜發兵圍署。百計擁之脅降。罵賊不屈。閤門死者百餘人。

詔贈太子太保。兵部尚書。諡文毅。雍正三年。入祀昭忠

欽定盛京通志

卷八十六

忠節五

十六

祠。乾隆十六年。

特予恩騎尉世襲。

陳啟泰。蓋平人。隸鑲紅旗漢軍。任福建巡海道。駐漳南。時山寇徧授偽劄。啟泰嚴保甲以靖反側。康熙十三年。逆藩耿精忠叛。啟泰密與海澄公黃梧拒守。會梧病。事不可支。語妻劉氏曰。惟有一死。以報朝廷。妻曰。君爲忠臣。妾獨不能爲烈婦乎。遂及女先自縊。婢妾三十餘口相繼死。啟泰從容。引僚屬入視。皆相顧失色。啟泰慷慨。

陳義。無異平時。具朝服再拜。乃自盡。

詔贈工部侍郎。諡忠毅。雍正七年。入祀忠烈祠。乾隆十七年。

特予恩騎尉世襲。

柯永昇。隸鑲紅旗漢軍。柯汝極從子。初授知府。康熙十三年。隨征逆藩吳三桂。在湖廣辦理軍務有方。授湖南糧儲道。歷任江西按察使。安徽布政使。二十七年。巡撫湖廣。到任閱一月。時湖廣各標。因裁汰兵額。遂羣推夏逢龍爲首。鼓噪

欽定盛京通志

卷八十六

忠節五

七

作亂。殺司道等官。永昇亦被執。罵賊不屈。遇害。特加賜祭葬。祀湖廣名宦祠。

祝表正。隸鑲紅旗漢軍。巡撫祝世昌族子也。累官刑部郎中。康熙十二年冬。逆藩吳三桂反。十三年正月。大軍由陝西。湖廣兩路進勦。以尙書莫洛。經畧陝西。莫洛薦表正才。遂隨行。于二月。抵寧羗。叛鎮王輔臣作亂。莫洛遇害。輔臣執表正。回畧陽。勸令從逆。不爲屈。遂加幽禁。十四年。聖祖念輔臣。曾呈首吳三桂逆書。因遣伊子繼正往。諭

悔罪來歸。輔臣讀

勅。留其子繼正。卽出表正于獄。合賚疏自理。委罪莫洛。聖祖復命表正賚往撫。多方開諭。輔臣遲疑不決。復拘繫之。表正以理切責。遂與家人劉福壽雙頂。大桂並爲所害。

李顯孝。奉天人。隸鑲紅旗漢軍。父茂芳。

國初以管壯丁著茂績。崇德五年七年。隨征明錦州。皆有功。授佐領。累加世職。至一等輕車都尉。顯孝其次子也。康熙十五年。從征逆藩耿精忠。

欽定盛京通志

卷八十六

忠節五

六

天寶寺蜈蚣山之役。皆在事有功。十七年。海賊劉國軒犯海澄。顯孝進戰。陣亡。贈加一雲騎尉。

〔正藍旗漢軍〕

佟養甲。撫順人。隸正藍旗漢軍。

太宗時。直內院理事。順治二年。以總兵官銜。從貝勒博洛南征。明年。浙江福建平。

命養甲與李成棟。率兵定廣東。是時明桂王由榔據肇慶。僭號永曆。唐王聿鍵。弟聿錕。據廣州。僭號紹武。養甲偕成棟。自漳州入惠潮平之。亟趨廣州。

遂擒聿鏘及周益遼諸王世子十三人。又明年。分兵取南雄韶州。檄成棟進兵肇慶。出榔竄梧州。走桂林。我兵乘勝下梧州。追斬其大學士丁魁楚于岑溪。遣總兵徐國棟等畧定高雷廉瓊等州。兩粵將次平。而明主事陳邦彥覘大軍四出。成棟方移師趨桂林。養甲駐廣州。兵力稍單。遂糾甘竹灘盜余龍突犯廣州。海盜馬元生等應之。以數萬衆薄太平門。養甲督民兵扼門外。陣斬數百級。賊稍却。尋成棟自桂林還救。賊皆

遁去。明尙書張家玉亦乘間陷東莞。養甲偕成棟攻復之。並徇三水新寧諸邑。悉就勦撫。明總兵李承志等以平樂潯州兵來歸。卽令招諭左右江諸路降之。未幾。邦彥約其大學士陳子壯以蜚戶萬餘再犯廣州。潛結指揮楊可觀爲內應。養甲伺其謀。斬可觀。擊敗子壯等于五羊駟。又敗之禺珠洲。順風縱火。焚其舟數十。斬馘無算。子壯等皆就擒。圍家玉于增城。城破。家玉赴水死。粵東復平。養甲力請進兵定粵西。並請發

禁旅討僞秦王孫可望于滇黔時恭順王孔有德已奉

命軍湖南防勦可望等乃

詔滇黔大舉俟有德疏報再議而以兩粵專委養甲方養甲之自閩而粵也以巡撫署兩廣總督成棟以總兵署兩廣提督迨奏功兩人皆實授而成棟棟止轄廣東不兼兩廣成棟自負功多疑養甲抑已奏不以實又與養甲步將郝尚久爭功有隙遷怒養甲會降將金聲桓王德仁叛于江西

欽定盛京通志

卷八十六

忠節五

三

犯贛州養甲趨成棟赴援成棟遂據南雄叛迎由榔至肇慶謀與聲桓合兵圍贛州養甲知之間使移贛州守將書俾嚴戒備爲成棟所獲益恨之乃以兵四百人劫養甲擁至肇慶養甲大詈不屈成棟密使其黨張祥賊殺之時順治五年冬十一月也事

聞贈太子少保廕一子入監

予祭葬入祀昭忠祠又同旗有佟國仕任井坪路叅將佟養昇奉

旨養馬大同。俱于順治五年逆璜之亂巷戰而死。詔贈國仕副總兵。養昇入祀大同忠烈祠。

佟恒年。撫順人。隸正藍旗漢軍。以領催隨叔父佟養正。戍守鎮江。天聰八年。其屬下將弁謀叛。執養正父子併恒年。獻于明島帥毛文龍。恒年與養正等並不屈死之。贈佐領世職。其族孫世功。初任佐領。康熙十五年。隨將軍圖海討叛鎮王輔臣于陝西。師次高長坡。攻偽總兵李黃英營。戰歿。二十五年。追贈雲騎尉。

欽定盛京通志

卷八十六

忠節五

三

佟圖占。撫順人。隸正藍旗漢軍。父養澤。以業商通誠。

本朝被繫。自獄逃出。遂來歸。授三等叅領。天聰八年。卒。圖占授佐領。崇德三年。隨鄭親王濟爾哈朗等攻明寧遠。次中後所。以巨礮攻附近諸臺。礮轟裂。圖占歿于陣。累贈至一等輕車都尉。馬如璧。遼陽人。隸正藍旗漢軍。崇德五年。以驍騎校從圍錦州。明兵出城拒戰。擊却之。又擊敗松山。杏山。步騎兵。進取松杏兩路臺堡。六年。再

圍錦州。攻克駱駝山寨。明兵自十三站乘夜來襲。如璧與叅政碩詹陷陣。殺敵甚力。及明總督洪承疇以兵十三萬赴援。軍于松山。聯絡塔山。諸臺堡爲聲勢。如璧與石廷柱等徇塔山路。以巨礮攻下之。七年。擢佐領。隨鄭親王濟爾哈朗等。取塔山。松山。八年。復從取中後所。及前屯衛二城。順治元年。授騎都尉世職。兼任叅領。二年。英親王阿濟格。勦李自成于陝西。如璧隸其軍。躡賊至湖廣。與叅領劉仲錦等。擊走僞總兵馬

進忠于武昌。六年。從鄭親王濟爾哈朗征湖南。時明桂王朱由榔據武岡。自成遺黨李錦。劉體純。王進才。皆附之。分踞寶慶。衡州。如璧自岳州趨長沙。衡州。屢戰皆捷。復偕副都統金維城。逐北靖州。猝遇伏。馬中流矢死。以短兵步戰。力竭。歿于陣。追贈三等輕車都尉。同旗有鍾尙勇。世居鐵嶺。亦以四川馬湖之役。陣亡。贈雲騎尉。陳一德。奉天人。隸正藍旗漢軍。初任佐領。崇德八年。隨鄭親王濟爾哈朗等。攻中後所。及前屯

衛皆督。於巨礮有功。順治元年。授加一雲騎尉。是年五月。隨都統葉臣等。往平山西。圍太原。以礮攻克其城。二年。隨豫親王多鐸等。平河南江南。攻武岡山寨。中礮歿于陣。贈騎都尉。王之儀。廣寧人。隸正藍旗漢軍。康熙四年。知福州府。耿精忠叛。變起倉猝。人人震懼。之儀獨奮呼曰。賊敢反耶。語未絕。刀戟交下。立斃。子琅妻張氏。亦皆自殺。

詔贈太僕寺卿。入祀忠烈祠。

欽定盛京通志

卷八十六

忠節五

三

甘文焜。奉天人。隸正藍旗漢軍。康熙八年。任雲貴總督。時吳三桂在滇。歲糜軍餉數百萬。役重民困。文焜悉與蠲免。奏增驛遞夫價。以給歲運。會內艱。請假葬親。還京。

召對。面陳三桂不軌狀。十二年五月。回任。十二月。三桂反。提督李本深以安順應之。文焜以省城不可守。殺其妾。携子國臣。馳赴鎮遠。思招集楚兵。扼險隘。使賊不北出。時副將姜義先已從賊。各營嚮應。文焜知事不可為。赴吉祥寺。先縊其子。北

面再拜痛哭自刎。筆帖式武善雅度等皆死之。詔贈文焜兵部尚書。謚忠果。又按察使李興元。貴陽府同知楊應鶚。皆遼東人。守節不屈。先後被害。並賜卹廕如例。

鑲藍旗漢軍

朱珊。奉天人。隸鑲藍旗漢軍。父繼文。天命六年。大軍克遼陽。卽來歸。以軍功官叅將。及請老。珊襲職。天聰五年。從征明大凌河。戰沒。

張瑞午。奉天人。隸鑲藍旗漢軍。總督張存仁弟。存義之子也。順治初。歷任州牧。擢知府。康熙十三年。遷福建邵武守。逆藩耿精忠反。分遣逆檄。下徇各郡縣。瑞午被執。罵賊不屈死。子六人。同遇難。

賜祭葬。贈太僕寺卿。

段應舉。遼陽人。隸鑲藍旗漢軍。從征叛鎮姜瓖。及進勦孫可望。等于湖南。皆有戰功。康熙十五年。進征逆藩耿精忠。當克收福建全省時。誓師戒殺。秋毫無犯。會十七年。海賊鄭錦等。併力犯

海澄。食盡援絕。城陷。自縊死。

恩予輕車都尉世職。雍正初。入祀昭忠祠。

王應魁。隸鑲藍旗漢軍。世居錦州。康熙中。知江西南豐縣。時耿精忠叛。所在山寇響應。應魁率家人與鎮兵分城而守。鎮將失守。城陷。應魁自刎。

詔贈按察使僉事。入祀忠烈祠。

奉天籍屬

徐勇。奉天人。順治二年。以總兵鎮黃州。屢勦降

欽定盛京通志

卷八十六

忠節五

五

九江。湖北。流寇。旋移鎮長沙。五年。流寇犯安仁。勇一鼓殲之。是年冬。賊黨一隻虎等。率眾薄長沙。勇勒兵與戰。賊益眾。乃嬰城堅守。賊攻不下。遁去。尋調辰常總兵。賊黨張光翠等犯辰州。勇與叅將張鵬等力戰。城陷。死之。妻曹氏。子祚泰。闔門三十九人。皆遇害。

詔贈太子太傅。

賜祭葬。進一等男。謚忠節。建祠江夏。乾隆三十二年。

上念綠旗官弁。致命疆場。克昭義烈者。于世職龔滿。

時

特予恩騎尉。世襲罔替。徐勇與焉。

郭之秀。瀋陽人。順治三年任福安知縣。時寇盜方熾。之秀竭力禦撫。會明末餘寇聚眾焚掠。督兵與戰。為流矢所中死。

詔贈按察使僉事。祀本縣忠義祠。

林中瑜。遼陽人。順治三年以副將鎮太平。奉檄勦撫麻姑港口。兩建膚功。郡東小醜竊發。中瑜領兵搗賊。馬陷深塹。死之。

欽定盛京通志

卷八十六

忠節五

三

詔贈副總兵。祀忠烈祠。

董璘。廣寧人。知福建沙縣。時縣境初闢。民多流亡。璘悉心撫字。始有更生之樂。順治四年。土寇攻城。糧乏。待援不至。死之。

詔贈按察使僉事。祀本縣忠義祠。

甘體垣。奉天人。順治初。知閩之海澄。四年。土賊攻城。城破。欲污以偽命。不受。沉之水。邑人建祠祀之。

詔贈按察使僉事。祀本縣忠義祠。

李懋祖奉天人官湖廣郴桂兵備道僉事順治五年留署廣西巡撫駐永州明巡撫何騰蛟自全州引眾逼永州十一月城破懋祖及其子廷賡俱殉難。

詔贈光祿寺卿入祀忠烈祠。

王昌齡遼陽人官冀寧道順治五年大同總兵姜瓖叛昌齡轉餉軍中遇賊被害。

詔贈光祿寺卿又定襄令祝文光垣曲令李榮宗繁峙

令崔尙質襄垣令佟學詩屯留令陳思忠以循

欽定盛京通志

卷八十六

忠節五

三

良廉能著績皆遼東人俱于姜瓖之亂殉節而崔尙質閤門自焚死尤烈。

詔贈崔尙質光祿寺少卿祝文光等俱贈按察使僉事。

並

賜入祠春秋致祭。

王來觀奉天人任河東分守道降霍州知州順治五年姜瓖叛以霍為南北孔道攻益力來觀督兵以守城陷血戰死祀忠烈祠贈太僕寺卿又長子令李允升賊黨夜冒官軍入城允升不

屈被殺。文水令曹之賢。年少精敏。長于斷獄。悉力捍城。城陷被害。

詔贈李允升曹之賢。按察使僉事。

鄭鴻圖。遼陽人。任河東鹽運使同知。甫蒞任。值姜瓖叛。登陴守禦。力盡城陷。死之。

詔贈河東鹽運使。祀忠烈祠。

宋之玉。奉天人。順治初。任大同兵備道。駐朔州。五年。姜瓖叛。密與通判楊達。知州王家珍。謀靖內患。既而變。猝起。謀不克。遂手刃愛子以死。家

欽定盛京通志

卷八十六

忠節五

三

珍亦奉天人。以不屈死。

詔並賜祀忠烈祠。廕卹如例。

金光祥。奉天人。順治五年。任寧武兵備道僉事。姜瓖之叛。寧武兵應之。光祥自縊死。

詔贈光祿寺卿。祀忠烈祠。

錢法裕。本浙人。占籍遼東。順治初。知蒲州府。姜瓖叛。城陷被執。不屈死。

詔贈布政使叅議。祀忠烈祠。

夏廷印。廣寧人。官神木觀察副使。以清恪聞。順

治五年。高有才之變。慷慨赴難。死于府谷。時延綏總兵沈文華。義州人。亦爲高有才所害。

詔贈沈文華提督。夏廷印按察使。並祀忠烈祠。夏一統志作徐

宋賢都。奉天人。順治五年。知城武縣。時逆寇李化鯨作亂。賢都猝不及備。先以甘言急其謀。化鯨遂攻曹縣。賢都募死士。夜薄其營。化鯨覺。還攻城。武賢都力戰。閤門二十八人。皆被屠戮。

詔贈光祿寺少卿。祀本縣忠義祠。

蔡廷棟。廣寧人。以拔貢任兗州府學訓導。署張

欽定盛京通志

卷八十六

忠節五

五

秋捕河通判。以擒土寇丁惟嶽功。陞曹縣教諭。李化鯨陷城。棟力戰死之。

賜祀忠烈祠。廕卹如例。

李紮飛。奉天人。順治五年。爲甘肅臨鞏道。甫至任。會回人米刺印叛。殉節死。蘭州同知趙翀學。隸正白旗漢軍。同時死難。

詔贈太僕寺卿。祀忠烈祠。

朱衣助。奉天人。順治五年。知深州。時土寇未盡。披堅執銳。爲士卒先。捍衛撫循。士民德之。歷任

操江。爲海賊鄭成功兵所獲。不屈而死。

詔贈太僕寺卿。祀忠烈祠。

李文學。奉天人。順治六年。知定陶縣。時李化鯨餘黨邢可觀。猶負固榆園。文學莅任三月。遇賊于白塔坡。挺身與戰。身被數創而死。

詔贈光祿寺少卿。祀本縣忠義祠。

文運亨。奉天人。順治初。任永昌之新田令。值猺賊犯城。運亨率兵拒守。賊衆大至。城陷。遂被害。詔予卹廕。祀忠烈祠。吏民德之。並祀本縣名宦祠。

欽定盛京通志

卷八十六

忠節五

三

吳國用。奉天人。順治六年。知霍邱縣。與革協宜。山賊陳伯紹倡亂。擁衆攻城。會久雨。城圯。國用率兵巷戰。揮刀躍馬。殺賊七人。力盡自刎。

詔贈按察使僉事。祀本縣忠義祠。

塗廓。奉天人。任河南河北兵巡道。順治六年。寇陷隆平。延及武安。廓親率兵勦捕。馬蹶陣亡。

詔贈光祿寺卿。建祠以祀。

唐士傑。奉天人。順治中。除南漳縣。時土寇盤踞西山。出沒無常。士傑每挺身勦戰。賊勢蜂擁。力

不能支。遂自焚死。祀本縣忠義祠。贈廕如例。
王希舜。遼陽人。歷任分巡河西道。寬簡愛民。順
治六年。王永彊作亂。攻陷延安榆林等十九州
縣。希舜不屈死之。

詔贈光祿寺卿。祀忠烈祠。

徐大用。奉天人。歷任叅議道。分守萊州。順治十
年。膠州總兵官海時行。素驕蹇。因調南征。遂嗾
兵爲逆。逼勒大用入海。不從。遂被害。祀忠烈祠。
廕卹如例。

欽定盛京通志

卷八十六

忠節五

三

劉登科。奉天人。知浙之黃巖縣。順治十四年。海
寇陷城。脅降不從。遂縛投三江水中死。士民哀
之。祀本縣忠義祠。贈如例。

魏萬侯。奉天人。武進士。任浙江温州鎮左營遊
擊。康熙甲寅夏。閩寇圍瑞安縣。萬侯率師援擊。
至北湖嶺。斬馘甚衆。以後軍不至。還保慈湖。旣
而羣賊蜂集。勢不能支。力戰死之。長子棟。亦沒
于軍。

詔贈副將。入祀忠烈祠。

廖有功。瀋陽人。官福州千總。康熙甲寅三月。耿精忠會文武諸僚脅制府范承謨爲亂。有功不從。大呼奮擊。手刃十數賊。躍馬至通衢。逆兵追擊。遂遇害。祀忠烈祠。廕卹如例。

范文英。奉天人。官江西饒州府同知。時耿精忠叛。以兵犯城。文英與知府郭萬國同死于難。祀忠烈祠。廕卹如例。

李成功。奉天人。任潮州叅將。隸湖鎮劉進忠麾下。康熙十三年。耿精忠叛。進忠密授僞職。成功謀於于國璉。共誅之。機泄。被執。不屈死。

詔贈驃騎將軍。祀忠烈祠。

于國璉。奉天人。授防禦職。性忠勇。與叅將李成功謀誅叛鎮劉進忠。事泄。進忠擊璉。璉射進忠中臂。力戰三晝夜。乃死。祀忠烈祠。廕卹如例。

王忠孝。奉天人。康熙十五年。署廣東左翼鎮總兵。進勦吳三桂于滇南。衝鋒破敵。身先士卒。引兵深入。陷陣死。

詔贈都督同知。祀忠烈祠。

徐盛。奉天人。康熙十五年知廣安州。譚宏之亂。爲賊所縛。不屈死。

詔贈四川布政使叅議。祀忠烈祠。

欽定盛京通志

卷八十六

忠節五

三

欽定盛京通志卷之八十六